

etiam pro persecutoribus exorare
Dominum nostrum Jesum Christum
Filium tuum.

Pro Sancto Joanne, Antiphona.
Iste est Joannes, qui supra pectus
Domini in cena recubuit: beatus
Apostolus, cui revelata sunt secreta
caelestia. **V.** Hic est discipulus ille,
qui testimonium perhibet de his.
R. Et scimus quia verum est testi-
monium ejus.

Oratio.
Ecclesiam tuam, Domine, benignus
illustra; ut beati Joannis
Apostoli tui & Evangelistae illumina-
tata doctrinis, ad dona perveniat
sempiterna.

Pro SS. Innocentibus, Antiphona.
Hi sunt, qui cum mulieribus non sunt
coinquinati: Virgines enim sunt, &
sequuntur Agnum quocumque erit.
V. Herodes iratus occidit multos
pueros. **R.** In Bethleem Juda ci-
vitate David.

Oratio.
Deus, cujus hodierna die praeco-
nium Innocentes martyres
non loquendo, sed moriendo con-
fessi sunt: omnia in nobis vitiorum
mala mortifica; ut fidem tuam, quam
lingua nostra loquitur, etiam moribus
vita fateatur. Per Dominum.

IN CIRCUMCIS S I O N E

Domini,
Et Octava Nativitatis.
Ad Vesperas, Antiphona, O ad-
mirabile commercium, cum reliquis
de Laudibus. 223. **Psalmi, Dixit**
Dominus. Laudate pueri. Laetatus
sum. Nisi Dominus. Lauda Jerusa-
lem. cxxxiv.

Capitulum. **Tit. 3. c**
Aparuit gratia Dei Salvatoris
nostri omnibus hominibus,
erudens nos, ut abnegantes impietatem,
& secularia desideria:
sobrii, & juste, & pie vivamus in
hoc saeculo.

Hymnus.
Jesu Redemptor omnium,
Quem lucis ante originem
Parem Paternae gloriae
Pater supremus edidit.
Tu lumen, & splendor Patris,
Tu spes perennis omnium,
Intende quas fundunt preces
Tui per orbem servuli.

Memento, rerum Conditor,
Nostri quod olim corporis,
Sacrata ab alvo Virginis
Nascendo, formam sumpseris.
Testatur hoc praesens dies
Currrens per anni circulum,
Quod solus es sinu Patris
Mundi salus advenersis.

Hunc astra, tellus, aequora,
Hunc omne, quod coelo subest,
Salutis Auctorem nova
Novo salutat cantico.

Et nos, beata quos sacri
Rigavit unda sanguinis;
Natalis ob diem tui
Hymni tributum solvimus.

Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna saecula.
Amen.

V. Verbum caro factum est, alleluia.

R. Et habitavit in nobis, alleluia.
Ad Magnificat, Antiphona.
Magnificat Dominus, et exaltatus
est, et dilatavit nos Deus, Filium suum
misit in similitudinem carnis peccati,
alleluia.

Oratio.
Deus, qui salutis aeternae
beatae Mariae virginitate fecunda,
humano generi praemia
praestitisti: tribue quaesumus; ut
ipsam pro nobis intercedere sentiamus,
per quam meruimus auctorem
vitalis suscipere Dominum nostrum
Jesum Christum Filium tuum: Qui
tecum vivit & regnat.

Et non fit aliqua Commemoratio.

Ad

Ad Matutinum, Invitatorium.
Christus natus est nobis, * Venite,
adoremus. **Psalmus.** Venite. 1.
Hymnus. Jesu Redemptor, ut su-
pra. 216.

In primo Nocturno, Antiphona.
Dominus dixit ad me: Filius meus
es tu, ego hodie genui te.

Psalmus 2.
Quare fremuerunt Gentes, *
& populi meditati sunt
inania?
Astituerunt reges terrae, & princi-
pes convenerunt in unum * adver-
sus Dominum, & adversus Chris-
tum ejus.

Dirumpamus vincula eorum: *
& projiciamus a nobis jugum ipsorum.
Qui habitat in caelis, iridebit
eos: * & Dominus subsannabit eos.

Tunc loquetur ad eos in ira sua, *
& in furore suo conturbabit eos.
Ego autem constitutus sum rex ab
eo super Sion montem sanctum
ejus. * praedicante praecipuum ejus.

Dominus dixit ad me: * Filius
meus es tu, ego hodie genui te.
Postula a me, & dabo tibi Gentes
haereditatem tuam, * & possessionem
tuam terminos terrae.

Reges eos in virga ferrea, * & tam-
quam vas figuli confringes eos.
Et nunc reges intelligite: * erudi-
mini qui judicatis terram.

Servite Domino in timore: * &
exultate ei cum tremore.
Apprehendite disciplinam ne-
quando irascatur Dominus, * & pe-
reatis de via justa.

Cum exarserit in brevi ira ejus, *
beati omnes, qui confidunt in eo.

Antiphona. Dominus dixit ad me:
Filius meus es tu, ego hodie genui
te.

Antiphona. In sole posuit taber-
naculum suum: & ipse tamquam
sponsus procedens de thalamo suo.

Psalmus 18.
Caeli enarrant gloriam Dei, *
& opera manuum ejus annun-
tiant firmamentum.

Dies diei eructat verbum, * &
nox nocti indicat scientiam.
Non sunt loquela, neque sermo-
nes, * quorum non audiant vo-
ces eorum.

In omnem terram exivit sonus eo-
rum: * & in fines orbis terrae verba
eorum.

In sole posuit tabernaculum
suum: * & ipse tamquam sponsus
procedens de thalamo suo:

Exultavit ut gigas ad currendam
viam, * a summo caelo egressio ejus:
Et occursum ejus usque ad sum-
mum ejus: * nec est qui se abs-
condat a calore ejus.

Lex Domini immaculata conver-
tens animas: * testimonium Domini
fidele, sapientiam praestans parvulis.
Justitiae Domini rectae, iustifican-
tes corda: * praecipuum Domini lu-
cidum; illuminans oculos.

Timor Domini sanctus, permanens
in saeculum saeculi: * judicium Domini
vera, justificata in semetipsa.
Desiderabilia super aurum & lapi-
dem pretiosum multum: * & dulciora
super mel & favum.

Enim servus tuus custodit ea, * in
custodiendis illis retribuit multa.
Delicta quis intelligit? ab occultis
mei munda me: * & ab alienis parce
servo tuo.

Si mei non fuerint dominati, tunc
immaculatus ero: * & emundabor a
delicto maximo.

Et erunt ut complacent eloquia
oris mei: * & meditatio cordis mei
in conspectu tuo semper.

Domine adiutor meus, * & red-
emptor meus.

Antiphona. In sole posuit taber-
naculum suum: & ipse tamquam
sponsus procedens de thalamo suo.

An-

Antiphona. Elevámini portæ æternales, & introibit rex glória.

Psalmus 23.

Domini est terra, & plenitudo ejus: * orbis terrarum, & universi, qui habitant in eo.

Quia ipse super maria fundávit eum: * & super flumina præparávit eum.

Quis ascendet in montem Domini? * aut quis stabit in loco sancto ejus?

Innocens manibus & mundo corde, * qui non accipit in vano animam suam, nec juravit in dolo próximo suo.

Hic accipiet benedictionem a Domino: * & misericordiam a Deo salutari suo.

Hæc est generatio quærentium eum, * quærentium faciem Dei Jacob.

Attollite portas principes vestras, & elevámini portæ æternales: * & introibit rex glória.

Quis est iste rex glória? * Dominus foris & potens: Dominus potens in prælio.

Attollite portas principes vestras, & elevámini portæ æternales: * & introibit rex glória.

Quis est iste rex glória? * Dominus virtutum ipse est rex glória.

Antiphona. Elevámini portæ æternales, & introibit rex glória.

Y. Tamquam sponsus, Deus Dominus procedens de thalamo suo, Pater noster. **Absolutio.** Exáudi Domine. **Benedictio.** Benedictione perpétua.

De Epistola beati Pauli Apóstoli ad Romanos.

Lectio i. Cap. 3. & 4.

Quid ergo amplius Judæo est? aut quæ utilitas circumcisionis? Multum per omnem modum. Primum quidem quia credita sunt illis eloquia Dei. Quid enim si

quidam illorum non crediderunt? Numquid incredulitas illorum fidem Dei evacuabit? Absit. Est autem Deus verax: omnis autem homo mendax, sicut scriptum est: Ut justificeris in sermonibus tuis, & vincas cum iudicaris. Si autem iniquitas nostra iustitiam Dei commendat, quid dicemus? Numquid iniquus est Deus, qui infertiram? (secundum hominem dico) Absit. Alioquin quomodo iudicabit Deus hunc mundum?

R. Ecce Agnus Dei, ecce qui tollit peccata mundi: Ecce de quo dicebam vobis: Qui post me venit, ante me factus est: * Cujus non sum dignus corrigiam calcamenti solvere. **Y.** Qui de terra est, de terra loquitur: qui de caelo venit, super omnes est. Cujus. **Benedictio.** Unigenitus Dei Filius.

Lectio ii.

An Judæorum Deus tantum? nonne & Gentium? Inimò & Gentium. Quoniam quidem unus est Deus, qui iustificat circumcisionem ex fide, & præputium per fidem. Legem ergo destruímus per fidem? Absit: sed legem statuimus. Quid ergo dicemus invenisse Abraham patrem nostrum secundum carnem? Si enim Abraham ex operibus iustificatus est, habet gloriam, sed non apud Deum. Quid enim dicit Scriptura? Credidit Abraham Deo: & reputatum est illi ad iustitiam. Et autem, qui operatur, merces non imputatur secundum gratiam, sed secundum debitum. Et verò, qui non operatur, credenti autem in eum, qui iustificat impium, reputatur fides ejus ad iustitiam secundum propositum gratiæ Dei. Sicut & David dicit beatitudinem hominis, cui Deus accepto fert iustitiam sine operibus: Beati quorum remissæ sunt iniquitates, & quorum tecta sunt peccata.

R.

R. Dies sanctificatus illixit nobis: Venite Gentes, & adoráte Dominum: * Quia hodie descendit lux magna in terris. **Y.** Hæc dies, quam fecit Dominus, exultemus & lætemur in ea. Quia hodie. **Benedictio.** Spiritus sancti gratia.

Lectio iii.

Beatitudo ergo hæc in circumcisione tantum manet, an etiam in præputio? Dicimus enim quia reputata est Abrahæ fides ad iustitiam. Quomodo ergo reputata est, in circumcisione, an in præputio? Non in circumcisione, sed in præputio. Et signum accepit circumcisionis, signaculum justitiæ fidei, quæ est in præputio: ut sit pater omnium credentium per præputium, ut reputetur & illis ad iustitiam: & sit pater circumcisionis, non iis tantum, qui sunt ex circumcisione, sed & iis, qui sectantur vestigia fidei, quæ est in præputio patris nostri Abrahæ.

R. Benedictus, qui venit in nomine Domini, Deus Dominus, & illixit nobis: * Alleluia, alleluia. **Y.** Hæc dies, quam fecit Dominus, exultemus & lætemur in ea. Alleluia. Glória Patri. Alleluia.

In secundo Nocturno, Antiphona. Speciosus formæ præ filiis hominum, diffusa est gratia in labiis tuis.

Psalmus 44.

Ruclavite cor meum verbum bonum: * dico ego opera mea regi.

Lingua mea calamus scribæ, * velociter scribentis.

Speciosus formæ præ filiis hominum, diffusa est gratia in labiis tuis: * propterea benedixit te Deus in æternum.

Accingere gladio tuo super femur tuum, * potentissime.

Spécie tuâ, & pulchritudine tuâ * intende, prospere procede, & regna,

Propter veritatem, & mansuetudinem, & iustitiam: * & dedecet te mirabiliter dextera tua.

Sagittæ tuæ accutæ, populi sub te cadent, * in corda inimicorum regis.

Sedes tua Deus in seculum seculi: * virga directiõnis virga regni tui.

Dilexisti iustitiam, & odisti iniquitatem: * propterea unxit te Deus tuus oleo lætitiæ præ consortibus tuis.

Myrrha, & gutta, & casia à vestimentis tuis, à domibus eburneis: * ex quibus delectaverunt te filie regum in honore tuo.

Asstitit regina à dextris tuis in vestitu deaurato, * circumdata varietate.

Audi filia, & vide, & inclina aurem tuam: * & obviscere populum tuum, & domum patris tui.

Et concupiscet rex decorem tuum: * quoniam ipse est Dominus Deus tuus, & adorabunt eum.

Et filia Tyri in munèribus * vultum tuum deprecabuntur: omnes divites plebis.

Omnis glória ejus filie regis ab intus, * in fimbriis aureis circumamicta varietatibus.

Adducentur regi virgines post eam: * proximæ ejus afferentur tibi.

Afferentur in lætitiâ & exultatione: * adducentur in templum regis.

Pro patribus tuis nati sunt tibi filii: * constitues eos principes super omnem terram.

Mémores erunt nominis tui * in omni generatione & generatione nem.

Propterea populi confitebuntur tibi in æternum: * & in seculum seculi.

Antiphona. Speciosus formæ præ filiis hominum, diffusa est gratia in labiis tuis.

Ad

Antiphona. Homo natus est in ea, & ipse fundavit eam Altissimus.

Psalmus 86.

Fundamenta ejus in montibus sanctis : * diligit Dominus portas Sion super omnia tabernacula Jacob.

Gloriosa dicta sunt de te, * civitas Dei.

Memor ero Rahab, & Babylonis * scientium me.

Ecce alienigena, & Tyrus, & populus Aethiopum, * hi fuerunt illic.

Numquid Sion dicit : Homo, & homo natus est in ea : * & ipse fundavit eam Altissimus ?

Dominus narrabit in scripturis populorum, & principum : * horum, qui fuerunt in ea,

Sicut letantium omnium * habitatio est in te.

Antiphona. Homo natus est in ea : & ipse fundavit eam Altissimus.

Antiphona. Exultabunt omnia ligna silvarum ante faciem Domini, quoniam venit.

Psalmus 95.

Cantate Domino canticum novum : * cantate Domino omnis terra.

Cantate Domino, & benedicite nomini ejus : * annuntiate de die in diem salutare ejus.

Annuntiate inter Gentes gloriam ejus, * in omnibus populis mirabilia ejus.

Quoniam magnus Dominus, & laudabilis nimis : * terribilis est super omnes deos.

Quoniam omnes dii Gentium daemonia : * Dominus autem celos fecit.

Confessio, & pulchritudo in conspectu ejus : * sanctimonia, & magnificentia in sanctificatione ejus.

Afferre Domino gloriam gentium, afferre Domino gloriam & honorem : * afferre Domino gloriam nomini ejus.

Tollite hostias, & introite in atria ejus : * adorare Dominum in atriis sancto ejus.

Commoveatur a facie ejus universa terra : * dicite in Gentibus quia Dominus regnavit.

Etenim correxit orbem terrae qui non commovebitur : * judicabit populos in aequitate.

Latentur caeli, & exultet terra, commoveatur mare, & plenitudo ejus : * gauderent campi, & omnia, quae in eis sunt.

Tunc exultabunt omnia ligna silvarum a facie Domini, quia venit : * quoniam venit judicare terram.

Judicabit orbem terrae in aequitate, * & populos in veritate sua.

Antiphona. Exultabunt omnia ligna silvarum ante faciem Domini, quoniam venit. **V.** Speciosus forma praefiliis hominum. **R.** Diffusa est gratia in labiis tuis. Pater noster.

Absolutio. Ipsius pietas. **Benedictio.** Deus Pater omnipotens.

Sermo Sancti Leonis Papae.

Sermone 7. de Nativitate Domini.

Lectio iv.

Festivitate hodierna, dilectissimi, verus venerator est, & pius cultor, qui nec de Incarnatione Domini aliquid falsum, nec de Deitate aliquid sentit indignum. Paris enim periculi malum est, si illi aut naturae nostrae veritas, aut paterna gloria negatur aequalitas. Cum ergo ad intelligendum sacramentum nativitatis Christi, qua de matre virgine est ortus accedimus, abigatur, procul terrenarum caligo rationum, & ab illuminatae fidei oculo, mundanae sapientiae fumus abscedat.

R. Congratulamini mihi omnes, qui diligitis Dominum : * Quia cum essem parvula, placui Altrissimi, & de meis visceribus genui Deum & hominem. **V.** Beatam me dicent omnes generationes, quia an-

ancillam humilem respexit Deus. Quia cum. **Benedictio.** Christus perpetuus.

Lectio v.

Divina est enim auctoritas, cui credimus divina est doctrina, quam sequimur. Quoniam sive legis testamenti, sive oraculis Prophetarum, sive Evangelicae tubae interiore admoveamus auditum, verum est, quod Joannes plenus Spiritu sancto intonuit : In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt, & sine ipso factum est nihil. Et similiter verum est, quod idem praedicator adjecit : Verbum caro factum est, & habitavit in nobis : & vidimus gloriae ejus, gloriam quasi unigeniti a Patre.

R. Confirmatum est cor Virginis, in quo divina mysteria Angelo nunciante concepit : tunc speciosum forma praefiliis hominum castis suscepit visceribus : * Et benedicta in aeternum, Deum nobis protulit & hominem. **V.** Domus pudici pectoris, templum repente fit Dei, intracae nesciens virum, verbo concepit Filium. Et benedicta. **Benedictio.** Ignem sui amoris.

Lectio vj.

In utraque ergo natura idem est Dei Filius, nostra suscipiens, & propria non amittens : in homine hominem renovans, in se immutabilis perseverans. Deitas enim, quae illi cum Patre communis est, nullum detrimentum omnipotentiae subit, quae Dei formam servi formae violavit : quia summa & sempiterna essentia, quae se ad humani generis inclinavit salutem, nos quidem in suam gloriam transtulit, sed quod erat, esse non destitit. Unde cum Unigenitus Dei minorem se Patre confitetur, cui se dicit aequa-

lem ; veritatem in se formae utriusque demonstrat : ut & humanam probet imparitatem, & divinam declaret aequalitatem.

R. Benedicta & venerabilis est Virgo Maria, quae sine tactu pudoris inventa est mater Salvatoris : * Jacēbat in praesepio, & fulgebat in caelo. **V.** Domine audivi auditum tuum, & timui : consideravi opera tua, & expavi : in medio duorum animalium. Jacēbat. Gloria Patri. Jacēbat.

In tertio Nocturno, Antiphona. In principio, & ante saecula Deus erat Verbum, & ipse natus est hodie Salvator mundi.

Psalmus 96.

Dominus regnavit, exultet terra : * letentur insulae multae. Nubes, & caligo in circuitu ejus : * justitia, & judicium correctio sedis ejus.

Ignis ante ipsum praecedet, * & inflammabit in circuitu inimicos ejus. Illuxerunt fulgura ejus orbi terrae : * vidit, & commota est terra.

Montes, sicut cera fluxerunt a facie Domini : * a facie Domini omnis terra.

Annuntiaverunt caeli justitiam ejus : * & viderunt omnes populi gloriam ejus.

Confundantur omnes, qui adorant sculptilia : * & qui gloriantur in simulacris suis.

Adorate eum omnes angeli ejus : * audivit, & letata est Sion.

Et exultaverunt filiae Judae, * propter judicia tua Domine :

Quoniam tu Dominus altissimus super omnem terram : * nimis exaltatus es super omnes deos.

Qui diligitis Dominum, odite malum : * custodit Dominus animas sanctorum suorum, de manu peccatoris liberabit eos.

Lux

Lux orta est justo, * & rectis corde lætitia.

Lætāmini justi in Dōmino: * & confitemini memoriæ sanctificatiōnis ejus.

Antiphona. In principio, & ante secula Deus erat Verbum, & ipse natus est hōdiē Salvator mundi.

Antiphona. Ante luciferum genitus, & ante secula Dōminus Salvator noster hōdiē nasci dignatus est.

Psalmus 97.

Cantate Dōmino canticum novum: * quia mirabilia fecit. Salvavit sibi dextera ejus: * & brāchium sanctum ejus.

Notum fecit Dōminus salutāre suum: * in conspectu Gēntium revelavit justitiam suam.

Recordatus est misericordiæ suæ: * & veritatis suæ dōmū Israhēl.

Viderunt omnes termini terræ * salutāre Dei nostri.

Jubilāte Deo omnis terra: * cantate, & exultate, & psallite.

Psallite Dōmino in cithara, in cithara & voce psalmi: * in tubis ductilibus, & voce tubæ cōrneæ.

Jubilāte in conspectu regis Dōmini: * moveatur mare, & plenitudo ejus: orbis terrarum, & qui habitant in eo.

Flumina plaudent manu, simul montes exultabunt in conspectu Dōmini: * quoniam venit judicāre terram.

Judicabit orbem terrarum in justitia, * & pōpulos in æquitate.

Antiphona. Ante luciferum genitus, & ante secula Dōminus Salvator noster hōdiē nasci dignatus est.

Antiphona. Nato Dōmino Angelorum chorus canebat, dicens: Salus Deo nostro, sedenti super thronum & Agno.

Psalmus 98.

Dominus regnavit, irascantur pōpuli: * qui sedet super Ché-

rubim, moveatur terra.

Dōminus in Sion magnus: * & excelsus super omnes pōpulos.

Confiteantur nōmini tuo magno: quoniam terribile, & sanctum est: * & honor regis judicium diligit.

Tu parasti directiōnes: * judicium & justitiam in Jacob tu fecisti.

Exaltate Dōminum Deum nostrum, & adorāte scabellum pedum ejus: * quoniam sanctum est.

Mōyses & Aaron in sacerdotibus ejus: * & Sāmuel inter eos qui invocant nomen ejus.

Invocabant Dōminum, & ipse exaudiēbat eos: * in columna nubis loquebatur ad eos.

Custodiēbant testimōnia ejus, * & præceptum quod dedit illis.

Dōmine Deus noster tu exaudiēbas eos: * Deus tu propitius fuisti eis, & ulciscens in omnes adinventiōnes eorum.

Exaltate Dōminum Deum nostrum, & adorāte in monte sancto ejus: * quoniam sanctus Dōminus Deus noster.

Antiphona. Nato Dōmino Angelorum chorus canebat, dicens: Salus Deo nostro, sedenti super thronum & Agno. **Y.** Norum fecit Dōminus, alleluia. **R.** Salutāre suum, alleluia. Pater noster. **Absolutio.** A vinculis. **Benedictio.** Evangelica lectio.

Lectio sancti Evangelii secundum Lucam.

Lectio vij.

In illo tempore: Postquam summari sunt dies octo ut circumcideretur puer: vocatum est nomen ejus Jesus. Et reliqua.

Homilia sancti Ambrōsii Episcopi.

Lib. 2. cap. 2. Luca. circa medium.

Circumciditur itaque puer. Quis est iste puer, nisi ille, de quo dictum est: Puer natus est nobis, filius datus est nobis? Factus est enim sub

sub lege, ut eos, qui sub lege essent, lucrifaceret. Ut sisterent eum Dōmino. Quid sit autem in Jerusalem sisti Dōmino, dicerem, nisi in Isaia commēntis antē dixissem. Circumcisus enim vitius, Dōnico dignus judicatur obtūtu: quia oculi Dōmini super justos. Vides omnem legem veteris seriē fuisse typum futuri: nam & circumcisio purgatiōnem significat delictōrum.

R. Sancta & immaculata virginitas, quibus te laudibus efferam, nescio: * Quia quem cœli capere non poterant, tuo gremio contulisti.

Y. Benedicta tu in mulieribus, & benedictus fructus ventris tui. Quia. **Benedictio.** Divinum auxilium.

Lectio viij.

Sed quoniam prona quadam cupiditate peccandi, humanæ carnis & mentis fragilitas inextricabilius vitii implicatur, eō per octāvam circumcisiōnis diem culpæ totius futūra purgatio, resurrectionis præfigurabatur ætate. Hoc est enim illud: Quia omne masculinum adapēriens vulvam, sanctum Dōmino vocabitur. Verbis enim Legis promittebatur Virginitas partus. Et verè sanctus, quia immaculatus. Denique ipsum esse, qui Lege signetur, in eundem modum ab Angelo repetita verba declarant: Quod nascetur, inquit, Sanctum, vocabitur Filius Dei.

R. Nesciens mater virgo virum, peperit sine dolore: • Salvatorem seculorum, ipsum Regem Angelorum, sola virgo lactabat ubere de cœlo pleno. **Y.** Domus pudici pectoris templum repente fit Dei: intacta nesciens virum, verbo concepit Filium. Salvatorem. Gloria Patri. Salvatorem. **Benedictio.** Ad societatem.

Lectio ix.

Solus enim per omnia ex natis de femina sanctus Dōminus Jesus, qui terrænæ contagiā corruptelæ im-

maculati partū novitate non senserit, & cœlesti majestate depulserit. Nam si litteram sequamur: quomodo sanctus omnis masculus, cum multos sceleratissimos fuisse non lateat? Numquid sanctus Achab? Numquid sancti pseudoprophete, quos ad Eliæ preces ultor cœlestis injuriæ ignis adsumpsit? Sed ille sanctus, quem in figura futuri mysterii pia legis divinæ prescripta signabant: eō quod solus sanctæ Ecclesiæ virginis ad generandos pōpulos Dei, immaculatæ fecunditatis aperiret genitale secretum.

Te Deum laudamus. 13.

AD LAUDES,

& per Horas, Antiphona.

O Admirabile commercium! Creator generis humani, animatum corpus sumens, de Virgine nasci dignatus est: & procedens homo sine semine, largitus est nobis suam Deitatem. **Psalmus.** Dōminus regnavit, cum reliquis. 14. **Añsa.** Quando natus es ineffabiliter ex Virgine, tunc impleta sunt Scripturæ: Sicut pluvia in vellus descendisti, ut salvum faceres genus humanum: te laudamus Deus noster. **Añsa.** Rubum quem viderat Mōyses incombusum, conservatam agnovimus tuam laudabilem virginitatem: Dei Genitrix intercede pro nobis. **Añsa.** Germinavit radix Jesse, orta est stella ex Jacob, Virgo peperit Salvatorem: te laudamus Deus noster. **Añsa.** Ecce Maria genuit nobis Salvatorem, quem Joannes videns exclamavit, dicens: Ecce Agnus Dei, ecce qui tollit peccata mundi, alleluia.

Capitulum.

Th. 2. c.

Apparuit gratia Dei Salvatoris nostri omnibus hominibus, erudiens nos, ut abnegantes impietatem & secularia desideria: sobrie, & justè, & pie vivamus in hoc seculo.

Hym.

Hymnus.

A Solis ortus cærdine
Ad usque terræ litem,
Christum canamus Principem,
Natum Mariæ Virgine.

Beatus auctor sæculi
Servile corpus induit:
Ut carne carnem liberans,
Ne perderet quos condidit.

Castæ Parentis viscera
Cœlestis intrat grætia,
Venter puellæ bajulat
Secrèta, quæ non noverat.

Domus pudici pectoris
Templum repente fit Dei:
Intacta nesciens virum,
Concepit alvo Filium.

Enititur puerpera,
Quem Gabriel prædixerat,
Quem ventre Matris gestiens,
Baptista clausum senserat.

Feno jacere pertulit,
Præsepe non abhorrui,
Et lacte modico pastus est,
Per quem nec ales èsurit.

Gaudet chorus cœlestium,
Et Angeli canunt Deo:
Palamque fit pastóribus
Pastor, Creator omnium.

Jesu, tibi sit glória,
Qui natus es de Virgine,
Cum Patre, & almo Spiritu,
In sempiterna sæcula.

Amen.

V. Verbum caro factum est, alle-
luia. **R.** Et habitavit in nobis, alle-
luia.

Ad Benedicimus, Antiphona.

Mirabile mysterium declaratur hó-
diè: innovantur nature, Deus homo
factus est: id quod fuit permansit,
& quod non erat assumpsit: non
commixtionem passus, neque divi-
sionem.

Oratio.

Deus, qui salutis æternæ, beatæ
Mariæ virginitate secunda,
humano generi præmia præstitisti:

tribue quæsumus; ut ipsam pro no-
bis intercedere sentiamus, per quam
meruimus auctorem vitæ suscipere,
Dominum nostrum Jesum Christum
Filium tuum: Qui tecum vivit &
regnat.

Ad Tertiam, Antiphona. Quan-
do natus es. Capitulum. Apparuit,
ut supra, 123.

R. br. Verbum caro factum est,
* Alleluia, alleluia. Verbum. **V.** Et
habitavit in nobis. Alleluia, alleluia.
Glória Patri. Verbum. **V.** Ipse in-
vocabit me, alleluia. **R.** Pater meus
es tu, alleluia.

Ad Sextam, Antiphona.

Rubrum quem viderat Moyses.

Capitulum. Hebr. 1. c

ET: Tu in principio Domine ter-
ram fundasti: & opera manuum
tuarum sunt cœli.

R. breve. Notum fecit Dominus,
* Alleluia, alleluia. Notum. **V.** Sa-
lutare sum. Alleluia, alleluia. Gló-
ria Patri. Notum. **V.** Viderunt om-
nes fines terræ, alleluia. **R.** Salu-
tare Dei nostri, alleluia.

Ad Nonam, Antiphona.

Ecce Maria.

Capitulum. Hebr. 1. d

Ipsi peribunt, tu autem perman-
bis, & omnes sicut vestimentum
veterascent: & velut amictum mu-
tabis eos, & mutabuntur: tu au-
tem ipse es, & anni tui non
deficient.

R. br. Viderunt omnes fines terræ,
* Alleluia, alleluia. Viderunt. **V.** Sa-
lutare Dei nostri. Alleluia, alleluia.
Glória Patri. Viderunt. **V.** Verbum
caro factum est, alleluia. **R.** Et ha-
bitavit in nobis, alleluia.

Ad Vesperas. Ant. O admirabi-
le, cum reliquis de Laudibus, 223.

Psalmi, Capitulum, & Hymnus, ut
supra in primis Vesperis, 210.
V. Notum fecit Dominus, alleluia.
R. Salutare suum, alleluia.

Ad

Ad Magnificat, Antiphona.

Magnum hereditatis mysterium:
templum Dei factus est uterus nes-
cientis virum: non est pollutus ex-
ea carnem assumens: omnes Gen-
tes veniunt, dicentes: Glória tibi
Domine.

Oratio. Deus, qui salutis. ut
supra, 224.

Deinde pro S. Stephano, Ant. An-
th. Stephanus autem plenus gratiâ, &
fortitudine faciebat signa magna in
pópulo. **V.** Stephanus vidit cœlos
apertos. **R.** Vidit, & introivit: bea-
tus homo, cui cœli patebant.

Oratio.

Omnipotens sempiternè Deus,
qui primitias Martyrum in bea-
to Levite Stephani sanguine dedi-
cisti: tribue quæsumus; ut pro
nobis intercessor existat, qui pro suis
etiam persecutoribus exoravit Do-
minum nostrum Jesum Christum Fi-
lium tuum: Qui tecum vivit,

De aliis Octavis in his Vesperis
nihil fit.

IN OCTAVA
Sancti Stephani.

Duplex.

Omnia sunt sicut in die Festi, 187.
præter Lectionem & Orationem.

Et fit Commem. de aliis Octavis.
In primo Nocturno.

De Actibus Apostolorum,
Lectio j.

Durâ cervicè, & incircumci-
sis cordibus, & auribus, vos
semper Spiritui sancto resistitis,
sicut patres vestri, ita & vos. Quem
prophetarum non sunt persecuti
patres vestri? Et occiderunt eos,
qui prænuuntiabant de adventu Justi,
cujus vos nunc prodoctores, & homici-
dæ fuistis: qui accepistis legem
in dispositione Angelorum, & non
custodistis. Audientes autem hæc
dissecabantur cordibus suis, & stri-
debant dentibus in eum.

Pars Hyemalis.

R. Stephanus autem plenus gratiâ,
& fortitudine faciebat prodigia,
& signa magna in pópulo. **V.** Sur-
rexit autem quidam de Synagoga dis-
pertantes cum Stephano, & non pó-
terant resistere sapientiæ, & Spiritui,
qui loquebatur. Faciebat prodigia.

Lectio ij.

Cum autem esset plenus Spiritu
sancto, intendens in cœlum, vi-
dit glóriam Dei, & Jesum stantem
à dextris Dei. Et ait: Ecce video
cœlos apertos, & filium hominis
stantem à dextris Dei. Exclamantes
autem voce magnâ continuerunt
aures suas, & impetum fecerunt
unanimiter in eum. Et efficientes
eum extra civitatem lapidabant: &
testes deposuerunt vestimenta sua
secus pedes adolescentis, qui vo-
cabatur Saulus. Et lapidabant Ste-
phanum invocantem, & dicen-
tem: Domine Jesu suscipe spiritum
meum.

R. Videbant omnes Stephanum,
qui erant in concilio: Et intuebân-
tur vultum ejus tanquam vultum
Angeli stantis inter illam. **V.** Plenus
gratiâ, & fortitudine faciebat prod-
igia, & signa magna in pópulo. Et.

Lectio iij.

Positus autem genibus, clamavit
voce magnâ, dicens: Domine,
ne statuas illis hoc peccatum. Et
cum hoc dixisset, obdormivit in
Domino. Saulus autem erat consen-
tiens neci ejus. Facta est autem in
illa die persecutio magna in Eccle-
sia, quæ erat Jerosolymis, & om-
nes dispersi sunt per regiones Ju-
dææ, & Samariæ præter Apostolos.
Curaverunt autem Stephanum viri
timorati, & fecerunt planctum mag-
num super eum.

R. Intuens in cœlum beatus Ste-
phanus, vidit glóriam Dei, & ait:
Ecce video cœlos apertos, & Fi-
lium hominis stantem à dextris vir-
tu-

P

tatis Dei. ✠. Cùm autem esset Stephanus plenus Spiritu sancto, intendens in cœlum, vidit gloriã Dei, & ait. Ecce video. Gloria Patri. Ecce video.

In secundo Nocturno.

Sermo Sancti Augustini Episcopi.
Sermone 2. de S. Stephano.
Lectio iv.

Post hesternum festivissimum diem, quo Salvatoris nostri Christi nobis nativitas illuxit, etiam hodiernus dies beati Martyris Stephani coronã illustrat. Martyris illius merita nulla pars orbis ignorat: passus enim est in ipso principio Ecclesiæ, id est, in ipsa urbe Jerosolyma. Ibi enim Diaconus ministravit, & in ipso juvenit flore decorem etatis sue sanguine purpuravit. Passio ejus insignis est, multumque mirabilis. Hanc modo de libro Actuum Apostolorum cum legeretur, non solum audivimus, sed etiam oculis spectavimus.

✠. Lapidabant Stephanum invocantem, & dicentem: Domine Jesu Christe, accipe spiritum meum: & ne statuas illis hoc peccatum. ✠. Positis autem genibus clamavit voce magna, dicens. Domine Jesu.

Lectio v.

Christus ergo caput Martyrum prior passus est pro nobis, relinquens vobis exemplum, ut sequamini vestigia ejus. Cujus passionis vestigia prosequutus beatissimus Stephanus, continendo Christum lapidatus a Judæis, coronam meruit tamquam suo sibi nomine posita. Stephanus enim Græcè, Latine coronã appellatur. Jam coronã nomen habebat, & ideo palmam martyrii suo nomine preferbat.

✠. Impetum fecerunt unanimiter in eum, & ejecerunt eum extra civitatem, invocantem, & dicentem: Domine Jesu accipe spiri-

tum meum. ✠. Et testes deposuerunt vestimenta sua secus pedes adolescentis, qui vocabatur Saulus: & lapidabant Stephanum invocantem, & dicentem, Domine Jesu.

Lectio vi.

Qui cum lapidaretur, non solum non expectabat de persecutoribus reportare vindictam, sed eis potius de Deo veniam postulabat. Meminerat enim dixisse Dominum: Mihi vindicta, ego retribuam, dicit Dominus. Et iterum: Ne dixeris, Ulciscar me de inimicis meis: sed expecta Dominum, ut tibi auxilium sit. Expectare nos jubet Dominus Deus, ut in die future retributionis cum Sanctis Martyribus vindicemur.

✠. Impii super justum iacturam fecerunt, ut eum morti traderent: At ille gaudens suscepit lapides, ut mereretur accipere coronam glorie. ✠. Continuerunt aures suas, & impetum fecerunt unanimiter in eum. At ille gaudens. Gloria Patri. At ille gaudens.

In tertio Nocturno.

Lectio sancti Evangelii secundum Mattheum.

Lectio vij. Cap. 23. d.

In illo tempore: Dicebat Jesus Scribis & Phariseis: Et ego mitto ad vos prophetas, & sapientes, & scribas, & ex illis occiditis, & crucifigitis. Et reliqua.

Homilia Sancti Hieronymi.

Presbyteri.

Lib. 4. Comment. in cap. 23. Matih.

Jerusalem, Jerusalem, que occidis Prophetas, Jerusalem, non saxa & ædificia civitatis, sed habitatores vocat: quam plangit patris affectu, sicut & in alio loco legimus, quo videns eam, fleverit. In eo autem quod dicit: Quoties volui congregare filios tuos: omnes retro Prophetas a se missos esse testatur. Gla-

Gallinæ quoque similitudinem congregantis sub alas pullos suos, in canticò Deuteronomii legimus: Sicut aquila protegit nidum suum, & super pullos suos desideravit expandens alas suas, suscepit eos, & tulit super pennas suas.

✠. Stephanus servus Dei, quem lapidabant Judæi vidit cœlos apertos: vidit, & introivit: Beatus homo, cui cœli patēbant. ✠. Cum igitur saxorum crepitantium turbine quateretur, inter æthereos aula cœlestis sinus divina ei claritas fulsit. Beatus.

Lectio viij.

Ecce relinquetur vobis domus vestra deserta. Hoc ipsum ex persona Jeremiæ jam ante dixerat: Reliqui domum meam, dimisi hereditatem meam: facta est mihi hereditas mea quasi spelunca hyænæ. Desertam Judæorum domum, id est, templum illud, quod fulgebant angustius, oculis comprobamus, quia habitatorem Christum perdidit, & hereditatem præripere gestiens occidit heredem.

✠. Patēfacte sunt januæ cœli Christi Martyri beato Stephano, qui in numero Martyrum inventus est primus: ✠. Et ideo triumphat in cœlis coronatus. ✠. Mortem enim quam Salvator noster dignatus est pro nobis pati, hanc ille primus reddidit Salvatori. Et ideo. Gloria Patri. Et ideo.

Lectio ix.

Dico enim vobis, non me videbitis amodo, donec dicatis: Benedictus, qui venit in nomine Domini. Ad Jerusalem loquitur, & ad populum Judæorum. Versiculum autem istum, quo & parvuli atque lactentes in ingressu Jerusalem Domini Salvatoris usi sunt, quando dixerunt: Benedictus, qui venit in nomine Domini, hosanna in excelsis: sumpsit de centesimo

decimo septimo Psalmo, qui manifeste de adventu Domini scriptus est.

Te Deum laudamus. 13.

Ad Laudes, & per horas, Antiphona. Lapidaverunt. cum reliquis. 189.

Pro Commemoratione S. Joannis, Antiphona. Iste est Joannes, qui supra pectus Domini in cœna recubuit: beatus Apostolus, cui revelata sunt secreta cœlestia. ✠. Hic est discipulus ille, qui testimonium perhibet de his. ✠. Et scimus quia verum est testimonium ejus.

Oratio.

Eccliam tuam, Domine, benignus illustra; ut beati Joannis Apostoli tui, & Evangelistæ illuminatã doctrinã, ad dona perveniat sempiterna.

Pro SS. Innocentibus, Antiphona. Hi sunt, qui cum mulieribus non sunt conquinati: virgines enim sunt, & sequuntur Agnum quocumque ierit. ✠. Herodes iratus occidit multos pueros. ✠. In Bethlehem Jude civitate David.

Oratio.

Deus, cujus hodiernã die præconium Innocentes martyres non loquendo, sed moriendo confessi sunt: omnia in nobis vitiorum mala mortifica, ut fidem tuam, quam lingua nostra loquitur, etiam moribus vita fateatur. Per Dominum.

In secundis Vesperis, Antiphona de Laudibus Festi. Lapidaverunt, cum reliquis. 189. Psalmus Dixit Dominus, cum reliquis de Dominica, 100. & ultimo Iocò, Psalmus Credidi. 103.

Deinde fit de Sancto Joanne, Capitulum. Eccl. 15.

Qui timet Deum, faciet bona: & qui contemnit est justitia, apprehendet illam, & obviabit illi quasi mater honorificata.

Hymnus.

Exultet orbis gaudis:
Cœlum resulet laudibus:
Apostolorum gloriam
Tellus & astra concinunt.
Vos sæculorum Iudices,
Et vera mundi lumina,
Votis precamur cordium,
Audite voces supplicum.
Qui templa cœli clauditis,
Serasque verbo solvitis,
Nos à reatu noxios
Solve jubete, quæsumus.
Præcepta quorum protinus
Languor salasque sentiunt:
Sanate mentes languidas:
Augete nos virtutibus.
Ut, cum redibit Arbitrer
In fine Christus sæculi,
Nos sempiterni gaudii
Concedat esse cōmpotes.
Jesu, tibi sit gloria,
Qui natus es de Virgine,
Cum Patre, & almo Spiritu,
In sempiterna secula. Amen.
¶ Valdè honorandus est beatus
Joannes. R. Qui supra pectus Dō-
mini in cœna recubuit.

Ad Magnificat, Antiphona.

Iste est Joannes, qui supra pectus
Dōmini in cœna recubuit: beatus
Apostolus, cui revelata sunt secreta
cœlestia.

Oratio.

Ecclēsiam tuam, Dōmine, be-
nignus illustra; ut beati Joān-
nis Apostoli tui & Evangelistæ illu-
minata doctrinis, ad dona pervē-
nias sempiterna. Per Dominum.

Pro Sancto Stephano, Antiphona. Sepe-
lierunt Stephanum viri timorati, &
fecerunt planctum magnum super
eum. ¶ Stephanus vidit cœlos aper-
tos. R. Vidit, & introivit: beatus
homo, cui cœli patēbant.

Oratio.

Omnipotens sempiternæ Deus,
qui primitias Martyrum in bea-

ti Levitæ Stēphani sanguine dedi-
cāsti: tribus quæsumus; ut pro no-
bis intercessor existat, qui pro
suis etiā persecutoribus exoravit
Dōminum nostrum Jesum Christum
Filiū tuum.

Pro SS. Innocentibus, Antiphona.

Innocentes pro Christo infantes oc-
cisi sunt, ab iniquo rege lactentes
interfecti sunt: ipsam sequuntur Ag-
num sine macula, & dicunt sem-
per: Glōria tibi Dōmine. ¶ Sub
throno Dei omnes Sancti clamant.
R. Vindica sanguinem nostrum Deus
noster.

Oratio.

Deus, cujus hodiernā die præ-
conium Innocentes martyres
non loquendo, sed moriendo con-
fessi sunt: omnia in nobis vitiorum
mala mortifica; ut fidem tuam, quam
lingua nostra loquitur, etiā mori-
bus vita fateatur. Per Dōminum.

IN OCTAVA

Sancti Joannis.

Duplex.

Omnia dicuntur sicut in die, 191,
præter Lectiones.

In primo Nocturno.

De libro Apocalypsis beati
Joannis Apostoli.

Lectio j.

Cap. 4.

Post hæc vidi: & ecce ostium
apertum in cœlo, & vox pri-
ma, quam audivi tamquam tu-
bæ loquentis mecum, dicens: As-
cende hunc, & ostendam tibi quæ
oportet fieri post hæc. Et statim iri
in spiritu: & ecce sedes pōita erat
in cœlo, & supra sedem sedens. Et
qui sedebat, similis erat aspectu lā-
pidis jaspidei, & sardinis: & iris erat
in circuitu sedis similis visioni smar-
ragdinæ. Et in circuitu sedis sedilia
viginti quatuor: & super thronos
viginti quatuor seniores sedentes,
circumiacenti vestimentis albis, &
in capitibus eorum coronæ aureæ.

R.

R. Valdè honorandus est beatus
Joannes, qui supra pectus Dōmini
in cœna recubuit: Cui Christus
in cruce matrem virginem virgini
commendavit. ¶ Virgo est electus
à Dōmino, atque inter ceteros ma-
gis dilectus. Cui Christus.

Lectio ij.

Et de throno procedebant fil-
gura, & voces, & tonitrua: &
septem lāmpades ardentes ante thro-
num, qui sunt septem spiritus Dei.
Et in conspectu sedis tamquam ma-
re vitreum simile crystallo: & in
medio sedis, & in circuitu sedis,
quatuor animalia plena oculis ante
& retrò. Et animal primum simile
leoni, & secundum animal simile
vitulo, & tertium animal habens
faciem quasi hominis, & quartum
animal simile aquilæ volanti. Et qua-
tuor animalia, singula eorum ha-
bebant alas senas: & in circuitu, &
intus plena sunt oculis.

R. Hic est discipulus ille, qui testi-
monium perhibet de his, & scripsit
hæc: Et scimus quia verum est testi-
monium ejus. ¶ Fluenta Evan-
gelii de ipso sacro Dominici pecto-
ris fonte potavit. Et scimus.

Lectio iij.

Et requiem non habebat die ac
nocte, dicentia: Sanctus, Sanctus,
Sanctus, Dominus Deus omnip-
otens, qui erat, & qui est, & qui
venturus est. Et cum darent illa
animalia glōriam, & honorem, &
benedictionem sedenti super thro-
num viventi in sæcula sæculorum,
procedebant viginti quatuor seniores
ante sedentem in throno, & adorā-
bant viventem in sæcula sæculorum,
& mittebant coronas suas ante thro-
num, dicentes: Dignus es Dōmine
Deus noster accipere glōriam, &
honorem, & virtutem: quia tu
creasti omnia, & propter voluntatem
tuam erant, & creata sunt.

R. Hic est beatissimus Evangelista
& Apostolus Joannes, Qui pri-
legio amoris præcipui, ceteris alitus
à Dōmino meruit honorari. ¶ Hic
est discipulus ille quem diligebat Je-
sus, qui supra pectus Dōmini in cœ-
na recubuit. Qui privilegio. Glōria
Patri. Qui privilegio.

In secundo Nocturno.

Ex Tractatu Sancti Augustini
Episcopi in Joannem.

Lectio iv.

Tract. 36.

In quatuor Evangeliiis, vel pō-
tius quatuor libris unus Evan-
gelii Sanctus Joannes Apostolus
non immerito secundum intelligen-
tiam spiritalem aquilæ comparā-
tus, altius multoque sublimis aliis
tribus erexit prædicationem suam:
& in ejus erectione etiā coram
nostra erigi voluit. Nam ceteri
tres Evangelistæ tamquam cum hō-
mine Dōmino in terra ambulānt,
& de divinitate ejus pauca dixe-
runt: istum autem quasi pigrerit
in terra ambulare, sicut ipso exor-
dio sui sermonis intōnuit, erexit
se non solum super terram, & su-
per omnem ambitum aeris & cœ-
li, sed super omnem ætiam exerci-
tum Angelorum, omnique con-
stitutionem invisibilium potestatum
& pervenit ad eum, per quem
facta sunt omnia, dicendo: In
principio erat Verbum, & Verbum
erat apud Deum, & Deus erat
Verbum.

R. Qui vicerit, faciam illum co-
lumnam in templo meo, dicit Dō-
minus: Et scribam super eum
nomen meum, & nomen civitatis
novæ Jerusalem. ¶ Vincenti dabo
edere de ligno vitæ, quod est in
paradiso Dei mei. Et scribam.

Lectio v.

Hic tantæ sublimitatis princi-
pi etiā cætera congrua præ-
dicavit, & de Dōmini divinitate

te, quomodo nullus alius, est locutus: hoc ructabat, quod biberat. Non enim sine causa de illo in isto ipso Evangelio narratur, quia & in convivio super pectus Domini discumbebat. De illo ergo pectore in secreto bibebat: sed quod in secreto bibit, in manifesto eructavit: ut perveniat ad omnes Gentes non solum incarnatio Filii Dei, passio, & resurrectio, sed etiam quod erat ante incarnationem, unicus Patri, Verbum Patris coaeternis generanti, aequalis ei, a quo missus est.

R. Diligebat autem eum Jesus, quoniam specialis praerogativa castitatis, ampliori dilectione fecerat dignum: Quia virgo electus ab ipso, virgo in aevum permansit. **V.** In cruce denique moriturus, hunc matrem suam virginem virgini commendavit. Quia virgo.

Lectio vi.

A Quia ipse est Joannes, sublimium praedicator, & lucis intertemplator. Dicuntur enim & pulli aquilaram a parentibus sic probari, patris scilicet ungue suspendi, & radiis solis opponi. Qui firme contemplatus fuerit, filius agnoscitur: si acie palpaverit, tanquam adulterinus ab ungue dimittitur. Jam ergo videte, quam sublimia loqui debuit, qui est aquila comparatus: & tamen etiam nos humi repentes, infirmi, & vix ullius momenti inter homines, audemus tractare ista, & ista exponere: & putamus nos aut capere posse cum cogitamus, aut capi dum dicimus.

R. In medio Ecclesiae aperuit os ejus, & implevit eum Dominus spiritu sapientiae & intellectus. **V.** Jucunditatem & exultationem thesaurizavit super eum. Et implevit eum. Gloria Patri. Et implevit.

In tertio Nocturno.

Lectio sancti Evangelii secundum Joannem.

Lectio vij. Cap. 21. d.

In illo tempore: Dixit Jesus Petro: Sequere me. Conversus Petrus vidit illum discipulum, quem diligebat Jesus, sequentem. Et reliqua.

Homilia Sancti Joannis Chrysostomi.

Cum magna Christus Petro communicasset, orbis terrarum curam demandasset, martirium praedixisset, & majorem erga eum dilectionem testatus esset: cum vellet Petrus Joannem socium & collegam, inquit: Hic autem quid? Numquid eandem viam aggredietur? Et quemadmodum in cena interrogare non ausus, Joannem suffecit: ita nunc vicem reddit, arbitratus eum velle, sed non audere de se sciscitari. Tum Christus: Si eum volo manere donec veniam, quid ad te?

R. In illum diem suscipiam te servum meum, & ponam te sicut signaculum in conspectu meo: Quoniam ego elegi te, dicit Dominus. **V.** Esto fidelis usque ad mortem, & dabo tibi coronam vitae. Quoniam.

Lectio viij.

Nam cum nimia id charitatis diceret Petrus, nec ab eo dividi vellet, ostendens Christus, quod quantavis eum dilectione prosequeretur, suam assequi non posset, inquit: Si eum volo manere, quid ad te? His verbis nos erudiens, neque dolendum, neque curiosius praeter divinam voluntatem investigandum. Nam cum Petrus semper in hujusmodi interrogationse ferventius prosiliret, iterum ejus fervorem retundens, quod non sit ultertius inquirendum, in hunc modum respondit.

R.

R. Iste est Joannes, qui supra pectus Domini in cena recubuit: Beatus Apostolus, cui revelata sunt secreta caelestia. **V.** Fluente Evangelii de ipso sacro Dominici pectoris fonte potavit. Beatus Apostolus. Gloria Patri. Beatus.

Lectio ix.

Exiit ergo sermo iste inter fratres, quod discipulus ille non moritur. Et non dixit ei Jesus: quia non moritur: sed: Si eum volo manere donec veniam, quid ad te? Noli arbitrari, inquit, eodem modo me de vobis disposuisse. Hoc autem dixit, ut intemptivum affectum, & consuetudinibus desiderium tolleret. Cum enim esset orbis terrarum curam suscepturi, simul amplius esse non oportebat: magnum enim fuisset mundo detrimentum. Idcirco inquit: Opus suscepisti, id considera: perforce, labora, & te certaminibus exponere. Quid ad te, si volo eum manere hic? tu officium tuum cura, & exequere. Te Deum laudamus. 13.

Ad Laudes, Antiphona. Valde honorandus. cum reliquis. 194. **Capitulum, Hymnus, V. & Antiphona ad Benedictum, ibidem.**

Pro Commem. SS. Innocentium. **Ant.** Hi sunt, qui cum mulieribus non sunt coinquinati: virgines enim sunt, & sequuntur Agnum quocumque erit. **V.** Herodes iratus occidit multos pios. **R.** In Bethlehemi Juda civitate David.

Oratio.

Deus, cujus hodierna die praeconium Innocentes martyres non loquendo, sed moriendo confessi sunt: omnia in nobis vitiolorum mala mortifica; ut fidem tuam, quam lingua nostra loquitur, etiam moribus vita fateatur. Per Dominum.

Ad Horas omnia ut in die Festi. 195. In secundis Vesperis Antiphona de Laudibus Festi. Valde honoran-

das. 194. Psalmi in secundis Vesperis de Communi Apostolorum. 21. **Capitulum, & alla, ut in die, cum Commemoratione SS. Innocentium.** **Ant.** Hi sunt, qui cum mulieribus non sunt coinquinati. **V.** Herodes iratus. **Oratio.** Deus cujus hodierna, ut supra.

IN OCTAVA

Sanctorum Innocentium.

Duplex.

Omnia dicuntur licet in Festo, 196. praeter Lectiones: & omittitur novum **R.** cujus loco dicitur Te Deum laudamus. 13.

In primo Nocturno.

De Epistola ad Romanos.

Cap. 5.

Justificati ergo ex fide, pacem habemus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriamur in spe gloriae filiorum Dei. Non solum autem, sed & gloriamur in tribulationibus: scientes quod tribulatio patientiam operatur, patientia autem probationem, probatio vero spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

R. Centum quadraginta quatuor milia, qui empti sunt de terra, hi sunt qui cum mulieribus non sunt coinquinati: Virgines enim permanserunt, idcirco regnant cum Deo, & Agnus Dei cum illis. **V.** Isti sunt, qui venerunt ex magna tribulatione, & laverunt stolas suas in sanguine Agni. Virgines.

Lectio ii.

Ut quid enim Christus, cum adhuc infirmi essemus, secundum tempus pro impiis mortuus est? Vix enim pro justo quis moritur: nam pro bono forsitan quis audeat mori. Commendat autem charitatem suam Deus in nobis: quoniam cum

P 4

cum adhuc peccatores essemus, secundum tempus Christus pro nobis mortuus est: multo igitur magis nunc iustificati in sanguine ipsius, salvi erimus ab ira per ipsum.

R. Sub altare Dei audivi voces occisorum dicentium: Quare non defendis sanguinem nostrum? & accepere divinum responsum: Adhuc sustinete modicum tempus, donec impleatur numerus fratrum vestrorum. **V.** Vidi sub altare Dei animas interfectorum propter verbum Dei, & propter testimonium quod habebant, & clamabant voce magna, dicentes, Quare non.

Lectio iij.

S enim cum inimici essemus, reconciliati sumus Deo per mortem Filii eius: multo magis reconciliati, salvi erimus in vita ipsius. Non solum autem: sed & gloriamur in Deo per Dominum nostrum Iesum Christum, per quem nunc reconciliati sumus Deo. Propterea sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.

R. Adoraverunt viventem in secula seculorum, Mittentes coronas suas ante thronum Domini Dei sui. **V.** Et ceciderunt in conspectu throni in facies suas: & benedixerunt viventem in secula seculorum. Mittentes. Gloria Patri. Mittentes.

In primo Nocturno.

Sermo Sancti Augustini Episcopi.
Sermone 1. de Innocentibus.

Lectio iv.

Nascente Domino luctus cepit, non caelo, sed mundo: indicitur matribus lamentatio, Angelis exultatio, infantibus transmigratione. Deus est qui natus est: Innocentes illi debentur victima, qui venit damnare mundi mali-

tiam. Angeli debent immolari, quia Agnus futurus est crucifigi, qui tollit peccata mundi. Sed ovae ululant matres, quia agnos perdunt sine voce balantes. Grande martyrium, crudele spectaculum! Eximitur machera, & nulla intervenit causa: sola stridet invidia, cum qui natus est, nulli faciet violentiam. Sed ovae cernimus matres, quae super agnos lugent. Vox in Rama audita est, ploratus & ululatus magnus. Pignora sunt, non credita, sed creata: non deposita, sed exposita.

R. Effuderunt sanguinem Sanctorum velut aquam in circuitu Jerusalem: Et non erat qui sepeliret. **V.** Posuerunt mortalia servorum tuorum escas volatilibus caeli, carnes Sanctorum tuorum bestiiis terre. Et non.

Lectio v.

Testis est ipsa natura, quae pugnat in martyres, cum tyrannus iactaret infantes. Mater crines capitis dissipabat, quae ornamentum capitis amittebat. Quantis modis infans volebat abscondere, & ipse se infantulus publicabat! Nesciebat tacere, quia necdum didicerat formidare. Pugnat mater, & carnis fex: ille traheret, illa tenebat. Ad carnificem mater clamabat: Quid se paras a me, quem genui ex me? Uterus genuit, non mansit ille, cum vixit, ubera mea frustra lacte contorquens. Cautè portavi, quem a te video manu crudeli iactari. Modò eum effuderunt viscera mea, & tu elidis ad terram.

R. Isti sunt sancti, qui passi sunt propter te Domine: vindica eos, Quia clamant ad te quotidie. **V.** Vindica Domine sanguinem Sanctorum tuorum, qui effusus est. Quia clamant.

Lectio vj.

Alia acclamabat mater, cum exactor latro non compelleret

si-

simul occidi cum parvulo matrem: Ut quid me dimittis inane? Si culpa est, mea est: si non est crimen, iunge mortem, & libera matrem. Alia dicebat: Quid quaeritis? Unum quaeritis, & multos occiditis, & ad unum, qui unus est, attingere non potestis. Alia contra clamabat: Veni iam, veni Salvator mundi: quamdiu quaeris? Nullum times, videat te miles, & nostros non occidat infantes. Misceretur lamentatio matrum, & ad coelum transibat oblatio parvulorum.

R. Isti sunt qui non inquinaverunt vestimenta sua: Ambulabunt in albis, quia digni sunt. **V.** Hi sunt qui cum mulieribus non sunt coinquinati: Virgines enim sunt. Ambulabunt. Gloria Patri. Ambulabunt.

In tertio Nocturno.

Lectio sancti Evangelii secundum Matthaeum.

Lectio vij.

In illo tempore: Angelus Domini apparuit in somnis Joseph, dicens: Surge, & accipe puerum, & matrem eius, & fuge in Aegyptum, & esto ibi usque dum dicam tibi. Et reliqua.

Homilia S. Joannis Chrysostomi.
Ex Homilia 8. in Matth. ante medium.

Quamquam passus est scandalum, neque dixit: Incerta ista res est, ac prorsus ambigua. Tu paulò ante dicebas, quia salvabit populum suum, & nunc seipsum quidem non potest de periculis liberare: sed fuga nobis est necessaria, & peregrinatio, ac transmigratione longinqua. Contraria omnino sunt facta promissis. Sed horum nihil prorsus opponit: vir enim erat fidelis: neque reversionis tempus curiosè inquirat, quod utique ab Angelo non signatè fuerat expressum: sed, Esto ibi, inquit, usquequo dicam tibi,

R. Cantabant Sancti canticum novum ante sedem Dei & Agni: Et resonabat terra in voces eorum. **V.** Hi empti sunt ex hominibus primitiae Deo & Agno, & in ore ipsorum non est inventum mendacium. Et.

Lectio viij.

Verum ille nec per ista quidem factus est segnior, sed obediit libenter, & credidit, omnes prorsus tribulationes cum gaudio sustinendo. Enim vero misericors Deus moeris rebus quaedam etiam iucunda permiscuit. Quod certe in Sanctis omnibus facit, quos neque tribulationes, neque iucunditates sinit habere continuas: sed tum de adversis, tum ex prosperis iustorum vitam quasi admirabili varietate contextit. Quod hic quoque eum fecisse considera.

R. Vidi sub altare Dei animas interfectorum propter verbum Dei quod habebant, & clara voce dicebant: Vindica Domine sanguinem Sanctorum tuorum, qui effusus est. **V.** Sub throno Dei omnes Sancti clamant. Vindica. Gloria Patri. Vindica.

Lectio ix.

Videndo quippe sanctus Joseph gravidam Virginem in conturbationem incidit maximam: sed adfuit repente Angelus, timorem prorsus extinguens. Deinde videns puerum natum, maximè exultatione replètus est: sed rursus huic etiam gaudio periculum grande succedit, cum tota utique civitas turbaretur, ipse rex fureret, & ad necem puerum quaereret. Sed & hunc mororem alia rursus letitia subsecuta est, apparitio videlicet stellae, & adoratio Magorum. Post hanc quoque iucunditatem, iterum periculum, iterumque formido. Quaerit, inquit, Herodes animam pueri, & fugere necesse est, & in longinqua transire. Te Deum laudamus. 13.

Ad

Ad Laudes & per Horas, omnia ut in die festi, 200. ommissis Commemorationibus.

In ij. Vesperis, Antiphona de Laudibus. 200. Psalmi de Dominica. 100. & loco ultimi, Psalm. Crédidi. 103. Reliqua ut in die. 200.

Post Orationem SS. Innocentium fit Commemoratio de Vigilia Epiphaniae. Ant. Puer Jesus proficiebat aetate & sapientia coram Deo & hominibus. V. Notum fecit Dominus, alleluia. R. Salutare suum, alleluia.

Oratio.

Omnipotens sempiternus Deus, dirige actus nostros in beneplacito tuo; ut in nomine dilecti Filii tui mereamur bonis operibus abundare.

Deinde fit Commemoratio S. Telesphori Papae & Martyris, Ant. Iste Sanctus pro lege Dei sui certavit usque ad mortem, & a verbis impiorum non timuit: fundatus enim erat supra firmam petram. V. Gloria & honore coronasti eum, Domine. R. Et constituisti eum super opera manuum tuarum.

Oratio.

Deus, qui nos beati Telesphori Martyris tui atque Pontificis annua solemnitate laetificas: concede propitius; ut cujus natalitia colimus, de ejusdem etiam protectione gaudeamus. Per Dominum.

IN VIGILIA

Epiphaniae.

Officium fit Semiduplex.

Ad Matutinum omnia dicuntur ut in Octava Nativitatis, 216. exceptis Lectionibus, & aliis quae infra ponuntur.

In primo Nocturno.

De Epistola ad Romanos.

Lectio j.

Cap. 7.

Ignoratis fratres (scientibus enim legem loquor) quia lex in homine dominatur quanto tempore

vivitis? Nam quae sub viro est mulier vivente viro, alligata est legi: si autem mortuus fuerit vir ejus, soluta est a lege viri. Igitur, vivente viro, vocabitur adultera si fuerit cum alio viro; si autem mortuus fuerit vir ejus, liberata est a lege viri: ut non sit adultera si fuerit cum alio viro.

R. Ecce Agnus Dei, ecce qui tollit peccata mundi: ecce de quo dicimus vobis: Qui post me venit, ante me factus est: Cujus non sum dignus corrigiam calceamenti solvere. V. Qui de terra est, de terra loquitur: qui de caelo venit, super omnes est. Cujus.

Lectio ij.

Itaque fratres mei, & vos mortificati estis legi per corpus Christi: ut sitis alterius, qui ex mortuis resurrexit, ut fructificemus Deo. Cum enim essemus in carne, passionibus peccatorum, quae per legem erant, operabantur in membris nostris, ut fructificarent morti: nunc autem soluti sumus a lege mortis, in qua detinebamur, ita ut serviamus in novitate spiritus, & non in vetustate litterae.

R. Dies sanctificatus illuxit nobis: venite Gentes, & adorare Dominum: Quia hodie descendit lux magna in terris. V. Haec dies, quam fecit Dominus, exultemus & letemur in ea. Quia.

Lectio iij.

Quid ergo dicemus? lex peccatum est? Absit. Sed peccatum non cognovi, nisi per legem: nam concupiscentiam nesciebam, nisi lex diceret: non concupisces. occasione autem accepta, peccatum per mandatum operatum est in me omnem concupiscentiam. sine lege enim peccatum mortuum erat. Ego autem vivebam sine lege aliquando. Sed cum venisset mandatum, peccatum revixit.

R. Benedictus, qui venit in nomine Domini, Deus Dominus, & illuxit

no-

nobis. Alleluia, alleluia. V. Haec dies, quam fecit Dominus, exultemus & letemur in ea. Alleluia. Gloria Patri. Alleluia.

In secundo Nocturno.

Sermo Sancti Augustini Episcopi.

Sermone 13. de Tempore.

Lectio iv.

Dominus noster Jesus Christus, fratres charissimi, qui in aeternum est cunctorum Creator, hodie de matre nascendo factus est nobis Salvator. Natus est nobis hodie in tempore per voluntatem, ut nos perducat ad Patris aeternitatem. Factus est Deus homo, ut homo fieret Deus: ut panem Angelorum manducaret homo, Dominus Angelorum hodie factus est homo.

R. Congratulamini mihi omnes qui diligitis Dominum: Quia cum essem parvula, placui Altissimo: & de meis visceribus genui Deum & hominem. V. Beatum me dicent omnes generationes, quia ancillam humilem respexit Deus. Quia cum.

Lectio v.

Hodie impleta est propheta illa, quae dicit: Rorate caeli desuper, & nubes pluant justum: aperiatur terra, & germinet Salvatorem. Factus est igitur qui fecerat, ut inveniretur qui perierat. Sic enim in Psalmis homo confitetur: Priusquam humiliarer, ego peccavi. Peccavit homo, & factus est reus: natus est homo Deus, ut liberaretur reus. Homo igitur cecidit, sed Deus descendit. Cecidit homo miserabiliter, descendit Deus misericorditer. Cecidit homo per superbiam, descendit Deus cum gratia.

R. Confirmatum est cor Virginis, in quo divina mysteria Angelo nunciante concepit: tunc speciosum forma praefiliis hominum castis suscepit visceribus: Et benedicta in aeternum, Deum nobis protulit

& hominem. V. Domus pudici peccatoris, templum repente fit Dei, intacta nesciens virum, verbo concepit Filium. Et benedicta.

Lectio vi.

Miracula, & prodigia, fratres mei, naturae jura mutantur in homine! Deus nascitur, virgo sine viro gravidatur, viri nesciam mater Dei maritat: simul facta est mater & virgo; mater facta, sed incorrupta: virgo habens filium, nesciens virum: semper clausa, sed non infucunda. Solus enim sine peccato est natus; quem sine virili complexu non concupiscentia carnis, sed obedientia genuit mentis.

R. Benedicta & venerabilis es Virgo Maria, quae sine tactu pudoris inventa es mater Salvatoris: Jacebat in praesepio, & fulgebatur in caelo. V. Domine audivi auditum tuum, & timui: consideravi opera tua, & expavi: in medio duorum animalium. Jacebat. Gloria Patri. Jacebat.

In tertio Nocturno.

Lectio sancti Evangelii secundum Matthaeum.

Lectio vij.

Cap. 2. d.

In illo tempore: Defuncto Herode, ecce Angelus Domini apparuit in somnis Joseph in Aegypto, dicens: Surge, & accipe puerum, & matrem ejus, & vade in terram Israel. Et reliqua.

Homilia Sancti Hieronymi Presbyteri.

Lib. 1. Comment. in cap. 2. Matth.

Ex hoc loco intelligimus, non solum Herodem, sed & Sacerdotes & Scribas eodem tempore necem Domini fuisse meditato. Qui surgens, accepit puerum, & matrem ejus. Non dixit, Accipit filium suum, & uxorem suam: sed puerum & matrem ejus, quasi nutritus, non maritus.

R.

R. Sancta & immaculata virginitas, quibus te laudibus æferam, nescior.
Q. Quia quem cœli capere non poterant, tuo gremio contulisti.
V. Benedicta tu in mulieribus, & benedictus fructus ventris tui. Quia.

Lectio viij.

Audiens autem quod Archelæus regnaret in Judæa pro Herode patre suo, timuit illo ire. Multi labuntur errore propter ignorantiam historiæ, putantes eundem esse Herodem, à quo in passione sua Dominus irridetur, & qui nunc mortuus esse referatur. Ergo Herodes illi, qui cum Pilato postea amicitias fecit, hujus Herodis filius est, frater Archelæi.

R. Nesciens mater virgo virum, peperit sine dolore. **V.** Salvatorem sæculorum, ipsum Regem Angelorum, sola virgo lactabat ubere de cœlo pleno. **V.** Domus pudici peccatoris templum repente fit Dei: intacta nesciens virum, verbo concepit Filium, Salvatorem. Glória Patri. Salvatorem.

Lectio ix.

Quoniam Nazareus vocabitur. Si fimum de Scripturis posuisset exemplum, nunquam diceret: Quod dictum est per Prophetas: sed simpliciter: Quod dictum est per Prophetam: nunc autem pluraliter Prophetas vocans, ostendit se non verba de Scripturis sumpsisse, sed sensum. Nazareus sanctus interpretatur. Sanctum autem Dominum futurum omnis Scriptura commemorat.

Te Deum laudamus. 13.
AD LAUDES,

& per Horas, Antiphona.

O Admirabile commercium!
 Creator generis humani, animatum corpus sumens, de Virgine nasci dignatus est: & procedens homo sine semine, largitus est no-

bis suam Deitatem. Psalmus. Dominus regnavit, cum reliquis. 14.
Añs. Quando natus est ineffabiliter ex Virgine, tunc impletæ sunt Scripturæ: Sicut pluvia in vellus descendisti, ut salvum faceres genus humanum: te laudamus Deus noster.

Añs. Rubum quem viderat Moyses incumbustum, conservatam agnovimus tuam laudabilem virginitatem, Dei Genitrix intercede pro nobis. **Añs.** Germinavit radix Jesse, orta est stella ex Jacob, Virgo peperit Salvatorem: te laudamus Deus noster. **Añs.** Ecce Maria genuit nobis Salvatorem, quem Joannes videns exclamavit, dicens: Ecce Agnus Dei, ecce qui tollit peccata mundi, alleluia.

Capitulum. Galat. 4.

R. Ratres, Quanto tempore hæres parvulus est, nihil differt in servo, cum sit Dominus omnium: sed sub tutoribus, & actoribus est usque ad præfinitum tempus à patre.

Hymnus.

A Solis ortus cardine
 Ad usque terræ limitem,
 Christum canamus Principem,
 Natum Mariæ virgine.
 Beatus auctor sæculi
 Servile corpus induit:
 Ut carne carnem liberans,
 Ne perderet quos condidit.
 Castæ Parentis viscera
 Cœlestis intrat grãtia:
 Venter puellæ bajulat
 Secrèta, que non noverat.
 Domus pudici pectoris
 Templum repente fit Dei:
 Intacta nesciens virum,
 Concepit alvo Filium.
 Entititur puerpera,
 Quem Gabriel prædixerat:
 Quem ventre Matris gestiens,
 Baptista clausum senserat.
 Fœno jaceret pèrtulit,
 Præsèpe non abhorrui,

Et

Et lacte mōdico pastus est,
 Per quem nec ales esurit.
 Gaudet chorus cœlestium,
 Et Angeli canunt Deo:
 Palamque fit pastōribus
 Pastor, Crëator omnium.

Jesu, tibi sit glória,
 Qui natus es de Virgine,
 Cum Patre, & almo Spiritu,
 In sempiterna sæcula.
 Amen.

V. Verbum caro factum est, alleluia.

R. Et habitavit in nobis, alleluia.

Ad Benedictus, Antiphona.
 Dum médium siléntium tēnerent omnia, & nox in suo cursu médium iter perageret, omnipotens sermo tuus Dōmine à regalibus sēdibus venit, alleluia.

Oratio.

O Mnipotens sempiternè Deus, dirige actus nostros in beneficio tuo; ut in nomine dilecti Filii tui mereamur bonis operibus abundare: Qui tecum vivit.

Et fit Commemoratio S. Telesphori Papæ & Martyris, Antiphona. Qui odit animam suam in hoc mundo, in vitam æternam custodit eam. **V.** Justus, ut palma florëbit. **R.** Si cut cedrus Libani multiplicabitur.

Oratio.

D Eus, qui nos beati Telesphori Martyris tui atque Pontificis annuâ solemnitate lætificas: concede propitius; ut cujus natalitia colimus, de ejusdem etiam protectione gaudeamus. Per Dōminum.

Ad Primam, Añs. O admirabile. **Capitulum.** Regi sæculorum. 21.
R. brevis. Christe Fili Dei vivi,

Miserere nobis. V. Qui natus es de Maria Virgine.

Et non dicuntur Preces.

Ad Absolutionem Capituli dicitur Capitulum Nonæ. Itaque jam non est servus, ut infra.

Ad Tertiam, Antiphona. Quando natus es. **Capitulum.** Fratres, Quanto tempore, ut supra. 236.

R. brevis. Verbum caro factum est, alleluia, alleluia. Verbum. **V.** Et habitavit in nobis. Alleluia, alleluia. Glória Patri. Verbum. **V.** Ipse invocabit me, alleluia. **R.** Pater meus est tu, alleluia.

Ad Sextam, Antiphona.

Rubum quem viderat Moyses.

Capitulum. Galat. 4.

A T ubi venit plenitudo temporis, misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus.

R. brevis. Notum fecit Dōminus, alleluia, alleluia. Notum. **V.** Salutare suum. Alleluia, alleluia. Glória Patri. Notum. **V.** Vidērunt omnes fines terræ, alleluia. **R.** Salutare Dei nostri, alleluia.

Ad Nonam, Antiphona.

Ecce Maria.

Capitulum. Galat. 4.

I Taque jam non est servus: sed filius: Quod si filius: & hæres per Deum.

R. br. Vidērunt omnes fines terræ, alleluia, alleluia. Vidērunt. **V.** Salutare Dei nostri. Alleluia, alleluia. Glória Patri. Vidērunt. **V.** Verbum caro factum est, alleluia. **R.** Et habitavit in nobis, alleluia.

Vesperæ de Epiphania. Duplex.

IN